

Segunda carta de San Pablo a los Corintios

Corinto cuto gãnare Pablo ĩ papera cõare gaye

¹ Ñati yu ñarã mua. Yu robo bajiroti Jesucristore tuorũnũrã ña mua cuni. Yu ña Pablo adi papera mũare cõagũ. Jesucristo ocare yu goti ucutoni ĩ cũru ña yu. Dios ĩ ãmojare ito bajiro yũre cũquĩ Jesucristo. Mua Corinto cuto gãna Diore rũcũbuorã minijuasotia mua. Adi papera cõa yu mũare. Mua Acaya sita gãnare cuni Diore rũcũbuorã mua ñajare adi papera cõa yu. Mani yagũ Timoteo rãca adi papera mũare cõa yu. ² Mũare yiari mani Jacũ Dios, ito yicõri mani Ʋjũ Jesucristore cuni seni ĩsia yu. Mũare ĩna queno yitoni ĩnare senia yu. Mua ya Ʋsijũ queno mua wanũ quenatoni mũare yiari ĩnare seni ĩsia yu.

Pablo ĩ tuoĩa bujatobitire gaye

³ Mani Ʋjũ Jesucristo Jacũre rũcũbuorũja manire. Mani Jacũ ñari manire ti maigũ yiguĩji Dios. Ito bajiri mani tuoĩa bujatobitibe yirocũ mani rãca ñatĩñagũ yiguĩji ĩ. Ito bajiro bajigũ ĩ ñajare ĩre rũcũbuoa mani. ⁴ Disejua ruyabeto mani bujatobitija ĩ tuoĩarisena mani rãca ñatĩñagũ yiguĩji Dios. Ito bajiroti manire yigũ yiguĩji Dios, “Gãjerã ĩna tuoĩa bujatobitija ĩnare ejabuajaro”, yirocũ. Mani tuoĩa bujatobitija manire Dios ĩ ejabũaro robo bajiro gãjerãre mani ejabuaja quena. ⁵ Mani ye waja bũto tuoĩa bujatobisijũ Cristo. Manire cuni tuoĩa bujatobitiroca yirã yirãji masa. Ito bajibojarocati Cristo ĩ goda ĩsiana mani ñajare mani tuoĩa bujatobitija, ĩ tuoĩarisena mani rãca ñatĩñagũ yiguĩji Dios. ⁶ “Jesucristore mua tuorũnũja, mũare masogũ yiguĩji Dios”, yi masare yu riasojare bũto yu tuoĩa bujatobitiroca yama gãjerã. Ito bajiro yũre ĩna

yibojarocati masare yu riaso jidicãbititoni yure ejabuami Dios. Ito bajiri tuoia bujatobitigoru ñari mua tuoia bujatobitija muare ejabua masigũja yu. “Yu ñemecutiroca Dios i yure yiado bajiroti mua ñemecutiroca yigu yiguĩji Dios”, yi tuoia yu. ⁷ “Diore queno tuorũnurã ñama Corinto cuto gãna”, yi tuoia yu muare. Yu tuoia bujatobitiado bajiroti tuoia bujatomena yirãji mua cuni. Ito bajibojarocati, “Yure i ejabuado bajiroti muare cuni ejabuagu yiguĩji Dios”, yi tuoia yu. “Diore jidicãmena yirãji ña”, yi tuoia yu muare.

⁸ Tuoya yu ñarã mua. “Asia sitaju ñagũ jaje oca josarise gaye rëtañi Pablo”, mua yi tuoiare ãmoa yu. Ado bajiro bajicu. Itoju buto tuoia bujatobiticu yu. “Ñemecutiado ma yu”, yi tuoiacu yu. “Catigu yiguja yu”, yi tuoiare manicu yure. ⁹ “Pablöre sïana mani”, ña yire masicãcu yu. “Yure ña sïaroti yumasiti camota masibea yu”, yi tuoiacu yu. Ito bajiro rëtacu yure, Diore riti yu tuorũnatononi. “Dios ñami godarãre macana tãdi catiroca yigu. Ito bajiri i sigũti ñami yure maso masigũ”, yu yi masitoni, ito bajiro rëtacu yure. ¹⁰ Yure ña sïa ãmobjarocati yure queno ejabuacũ Dios. Ito bajiri yure sïa masibiticã ña. “Ito bajiro riti yure ejabuasotigu yiguĩji Dios”, yi tuoia yu. Yu tuoiarise Diore riti ña yure. “Yure ejabuasotigu yiguĩji Dios”, yi tuoia yu. ¹¹ Yure yiari Diore seni ñsiña. Ito bajiro yure mua ejabũare ãmoa yu. Ito bajiro mua yija queno yure ejabuagu yiguĩji Dios. Mua jãjarã yure seni ñsirena suoriti yure ejabuagu yiguĩji Dios. “Pablöre queno ejabuami Dios”, yi ti masicõri jãjarã masa, “Queno ya Dios mu”, yirã yirãji ña ñre.

Corinto cutoju Pablo i wabitire gaye

¹² Gaje gaye tuoiacõri wanua yu. Ado bajiro baja ito yu wanurise. “Dios i ãmoro bajiro masare queno yicu yu”, yi tuoiacõri wanua yu. “Masare ruogu meje ña yu. Corinto cuto gãna rãca ñagũ ñnare queno Dios oca riasocu

yũ”, yi tuoĩa yũ. Yũre queno yicõri, gãjerãre yũ queno yi masiroca yiĩni Dios. Yũ masirisena meje ito bajiro yicũ yũ. Dios ĩ masirisena ito bajiro yicũ yũ. ¹³ Adĩ papera yũ ucarise riojo gotia yũ. Rũore ocana meje mũare uca yũ. Mũa tuo masirotere uca yũ. Ito bajiri queno mũa tuo masi jeore ãmoa yũ. ¹⁴ Ado yũ yirisere queno tuo masi jeobeã mũa maji. “Ado bajiro bajigu ñami Pablo”, queno yi masi jeobeã mũa maji. Yũre mũa queno masija, mani Ʋjũ Jesucristo ĩ tũdi ejari rũmũ, “Gũare queno riasoquĩ Pablo”, yi tuoĩa wanũrã yirã yirãji mũa. Mũare ito bajiroti wanũgũ yiguja yũ cũni. “Queno cũdirã ñama ĩna”, mũare yi tuoĩacõri queno wanũgũ yiguja yũ.

¹⁵ “Yũre wanũrã yirãji”, yi tuoĩacõri, “Juaji ĩna tũ tigu warũja yũ”, yi tuoĩa yũ mũare. Ito bajiri juaji yũre ti wanũrã yirãji mũa. ¹⁶ Ado bajiro tuoĩacu yũ: “Macedonia sitaju wacu, ĩnare ti rẽta wacũja yũ. Mũcana tũdi wadigu ĩnare ti rẽta wadicũja yũ”, yi tuoĩacu yũ. “Ĩna tũ ejacõri, Judea wame cutiri sita yũ ejatoni yũre ejabuarã yirãji ĩna”, yi tuoĩacu yũ mũare. Ito bajiro tuoĩabojaguti mũa tũ eja masibiticũ yũ. ¹⁷ Mũa tũ yũ eja masibejare, “Bũguti yami Pablo”, yũre mũa yire tuoã yũ. Diore masimena ĩna rũoro bajiro yibeã yũ. “Ito bajiro yigu ya yũ”, yibojaguti gajero bajiro yigu meje ña yũ. “Ado bajiro yicũja yũ”, yũ yija ñaro bajiroti yiguja yũ itire. ¹⁸ Mani Jacũ Dios riojo gotigu ñami. Yũ cũni riojo gotigu ña. “Ado bajiro yicũja”, yũ yija, gajero bajiro yibeã yũ. “Ito bajiro bajigu ñami”, yi tuoĩaguĩji Dios yũre. ¹⁹ Jesucristo Dios Macũre cũdigu ñari ito bajiro ya yũ. Yũ Pablo, Silvano cũni, Timoteo cũni, Jesucristo gayere mũare goticũ gũa. “Ado bajiro yicũja yũ”, Cristo ĩ yija, ito bajiroti yiyijũ. Riojo gotisotiyijũ ĩ. ²⁰ “Ado bajiro queno masare yicũja yũ”, Dios ĩ yire, ĩ Macũ Jesucristona suoriti rẽtayijũ iti. Itire masicõri, “Ĩ yiro bajiroti yisotigu yiguĩji Dios”, yi wanũã mani. Ito bajiro mani tuoĩaja,

Diore r̄uc̄buorã ya mani. ²¹ Jesucristore mani tuorũnu jidicãbeto yigu ñami Dios. Ñ narã mani ñaroca yami Dios. Jesucristo oca mani gãjerãre gotitoni manire cũini Dios. ²² “Dios ñarã ñama ña”, gãjerã ña manire yi ti masiroca ñare yigu ñami Dios. Mani ya usiju Espiritu Santo queo sãñi Dios. Ito bajiro ñ yija, “Ñ narã ña mani”, yi tuoia mani ñja. “ ‘Masare queno yicuja yu’, ñ yiado bajiroti manire queno yigu yiguñi Dios”, yi tuoia mani.

²³ “Yu tiro riojo ña bojobe yirocu ña tu wabituja yure”, yi tuoiaçori mua tu wabiticu yu maji. “Diore queno cudibea mua”, yi amobiticu yu. Ito bajiri muare tigu wabiticu yu maji. Riojo muare yu gotibeja cuni, “Tuoia bujatobitijaro ñ”, Dios ñ yija cuni quena ñaboroja yure. ²⁴ “Ado bajiro Diore r̄uc̄buore ña iti”, muare yi roti amobea yu. “Diore queno tuorũnurã ñama ña”, yi tuoia yu muare. Mua bojori bujaroca yi amobea yu. Buto busa wanu quenajaro ña, yirocu muare riasoa yu.

2

¹ Itire tuoiaçũ, “Ña bojori bujabe yirocu ña tu tigu wabea yu”, yi tuoiaçu yu. ² Mua bojori bujaroca yu yija, mua sigũjuama yu wanuroca yigu maniboguñi. Mua ña yu queno wanu quenaroca yirã. Ito bajiri mua bojori bujaroca yi amobea yu. ³ Mua bojori bujabe yirocu mua tu wabiticu yu. Papera riti muare cõacu yu maji. Mua tu yu ejaroto rioja oca queno amogũ, “Ado bajiro mua yire amoa yu”, yi papera cõacu yu muare. Mua tu ejacõri mua bojori bujare ti amobea yu. Mua tu ejacõri mua wanure ti amoa yu. “Yu wanuja ticõri, wanurã yirãji ña cuni”, yi tuoia yu. Ito bajiri mua tu yu waroto rioja oca quenogũ muare papera cõacu yu. ⁴ Iti rumu iti muare papera cõagũ buto tuoiaçu yu. Yu ya usiju bojori bujacõri, buto oticu yu. Mua bojori bujajaro, yirocu meje iti muare papera cõacu

yũ. “Manire ti mai ñaño Pablo”, mũa yi masitoni mũare papera cõacu yũ iti rũmũ.

Ñeñaro yire ãcabojoya, Pablo ï yire gaye

⁵ Mũa wato gagu ñeñaro ï yire tuoĩacõri bojori bujacũ yũ. Yũ sīgũ meje bojori bujacũ. Ï ñeñaro yire ticõri bojori bujana mũa cũni. Bũto busa ï bujatobitiroca mũa yire ãmobeas yũ. ⁶ Minijuacõri ï ñeñaro yire waja ï tuo bujatobitiroca yiyija mũa. Ito bajiro yicõri ïre bucõayija mũa. Itocõti ï bujatobitiroca mũa yire ãmoa yũ. ⁷ Ito bajiri adocãta ï ñeñaro yirisere mũa ãcabojore ãmoa yũ. “Mũ ñeñaro yirise mũare ãcabojoa gũa. Mũcana gũa rãca mũ ñare ãmoa gũa ïja”, ïre yi mũa baba cutire ãmoa yũ. Ito bajiro mũa yibeja, yoari bojori bujacõri Cristore sũya jidicãgũ yiguĩji gajea. ⁸ Ito bajiri mũcana ïre mũa ti maire ãmoa yũ. “Gũa rãca mũ ñare ãmoa gũa”, yi ïre mũa baba cutire ãmoa yũ ïja. ⁹ Iti rũmũju iti gaye mũare papera cõacu yũ. “Yũ rotirise ïna cãdi jeoja ticũja yũ”, yi tuoĩacõri papera cõacu yũ mũare. ¹⁰ Ï ñeñaro yirise mũa ãcabojoya, yũ cũni ïre ito bajiroti ãcabojogu yiguja yũ. Iti rũmũ ï yũre ñeñaro yibojarocati, ito bajiro yicũja yũ, sīgũre bajiro mũa tuoĩa wanũtoni. Ito bajiro ya yũ Cristo ï tiro riojo. ¹¹ “Sīgũre bajiro mani tuoĩabitiroca yi ãmoami rũmũa mũju Satanás manire”, yi tuoĩa mani. Ito bajiri sīgũre bajiro tuoĩacõri mani gãmeri ãcabojoya quena. Ito bajiro mani yija, manire rêtocũ masibiquĩji Satanás.

Troas cuto ejacõri Pablo ï bujatobitire gaye

¹² Gaje gaye mũare goti ãmoa yũ. Ado bajiro bajaia iti. Troas wame cutiri cuto ejacõri queno Cristo oca masare riasocu yũ. “Gũare gotibesa”, yibiticã masa. Queno yũre boca ãmicã ïna. Ito bajiri Jesucristo ï ejabũarisena suoriti masare queno riaso masicu yũ. ¹³ Masare queno riasobojagũti yũ ya usiju bũto tuoĩacu yũ. Mani yagu Titore ti

bujabiticōri yu ya usiju buto tuoīacu yu. Ito bajiri Titore āmarocu ĩnare ware goticōri Macedonia sitaju wacu yu.

Cristore mani tuorūnuja rētocūrā mani ĩnaroca Dios ĩ yire gaye

¹⁴ Jesucristore tuorūnacōri yu ñeñaro yirisere rētocū masia yu. Ito bajiro yu baji ĩnaroca Jesucristo rāca yu baba cuti wanuroca yiñi Dios. Ito bajiro Dios ĩ yijare, “Queno ya Dios mū”, ya yu ĩre. Adi rumarī no yu riaso ucuriĵuti, Jesure masa ĩna tuorūnuroca yami Dios. Suti quenarise iti suti bataro bajiro coju ruyabeto Dios oca bata ejaro ya. ¹⁵ “Masa ĩna ñeñaro yirise waja goda ĩsigū yami yu Macu”, yi ticōri wanuyiju Dios. Jesucristo oca masare mani riasoja ticōri, manire wanuagū yiguĵi Dios. Coji ruyabeto masare mani Dios oca riasoja, masa jeyaro ĩ oca masirā yirāji. Jeame ũjuroju warona cūni, jeame ũjuroju ĩna wabore ĩnaroca Dios ĩ masoana cūni ĩ oca masirā yirāji ĩja. Masare Dios oca mani riasoja queno sutiro bajiro baja ĩre. Ito bajiro masare mani gotija ticōri, wanuagū yiguĵi Dios. ¹⁶ Jeame ũjuroju waronare Dios oca yu riasoja, ũnirise queno suti quenabiti robo baja ĩnare. Jeame ũjuroju ĩna wabore ĩnaroca Dios ĩ masoana ĩ oca yu riasoja, ĩnareama queno suti quenaro robo bajiro baja. “Dios ocare yu tuorūnuja catitīnagū yiguja yu”, yi tuoīama ĩnama. Yure Dios ĩ ejabuabejama ĩ oca gotiado ma yu. ¹⁷ Niyeru bujarona riti masare Dios oca riasorā jājarā ĩnama ĩna. Dios oca ĩnasarise meje riasoama ĩnaōna. Riojo meje riasoama ĩna. ĩna āmoro bajiroti riasobojama. ĩnare bajiro meje riasoa yuama. Dios ĩ tiro riojo queno tuoīacōri masare riasoa yu. Cristo oca yu riasotoni Dios ĩ cūru ña yu. ĩ oca queno masare riasoa yu. “Queno masare riasoami Pablo”, yi tiguĵi Dios yure.

3

Ado bajiro baja mame oca, Pablo ï yire gaye

¹ Yure queno busijaro, yirocu meje iti gotia yu muare. “Ñani ñami queno Dios oca riaso masigũ”, yi gãji ï papera ucaja, “Guare ïogũ yiguĩji Pablo”, ¿yire masiati mua? Yure masicã mua. Ito bajiri muare ïoado ma yu. Gãjerã ïre boca ãmitoni, “ ‘Ñani ñami queno Dios oca riaso masigũ’, manire yi uca rotigu yiguĩji Pablo”, ¿yire masiati mua? “Queno Dios oca riaso masiami”, yi masicãrãji masa yure.

² Ado bajiro baja: Mua ñeñaro yirisere jidicãcõri gaje mua wasoaja ticõri, “Dios oca ïnare queno riasoñi Pablo”, yi tuoĩarã yirãji masa jeyaro. “Pablo ï riasore tuorũnucõri gaje wasoani ïna”, yi ti masirã yirãji masa muare. ³ Mua tu gãna masa, “Ito bajiro bajirã ñama ïna”, yi ti masirã yirãji ïna muare. “Pablo ï riasore tuorũnucõri gaje tuoĩare wasoani ïna”, yi masa ïna tire ãmoguĩji Cristo. Ito bajiro ïna yi masitoni papera cõabisĩ Cristo ïnare. Gũta jãina ucacõri cuni ïnare cõabisĩ ï. Ado bajirojua baja: Mua ya usijũ Espĩritu Santo queo sãni Dios catitĩñagũ. Ito yicõri gaje tuoĩare wasoani Dios muare. Ito bajiro yiñi Dios, “Cristo ñarã ñama ïna”, yi masa ïna muare ti masitoni.

⁴ Masare Dios oca yu riasoja, Jesucristo ï ejabuarisena ito bajiro riasoa yu. Ito bajiri, “Masare queno riasoa yu”, yi tuoĩa yu Dios ï tiro riojo. ⁵ Ito bajiro yibojaguti, “Yurio yu masirise masare riasocu yu”, yibea yu. Ado robojua baja: Dios ï ejabuarisena riti masare queno riaso masicu yu. ⁶ Dios ñami ï ye yu tuo masiroca yigu. Ito bajiri Dios oca ï mame wasoare goti rãtobu masia yu. “No yu rotirisere cudi jeobicuti ï godaja jeame ãjuroju wacu yiguĩji”, yi gotia bucũ oca. Mame oca ï wasoare bucũ oca ucare bajiro meje baja. Mame oca ï wasoareama ado bajiro baja: “No Espĩritu Santore boca ãmirã yure cudi masirã yirãji ïna”, yi gotia Dios oca mame ï wasoare.

“Espíritu Santona suoriti catitĩñarã yirãji ãna”, yi gotia Dios oca.

⁷ Jane mejeju ã rotirise jidicãyiju Dios Moisés ñayorure. Ñ rotirise gũta jãiriju ucare ñayiju. Iti ã ãsiri rumu buto guijorise rãca ejayiju. Ado bajiro bajiyiju iti: Dios rotirise boca ãmicõri Moisés ya rio buto yoyiju. Buto ã ya rio iti yojare ã ya rio ti masia mano bajiyiju Israel sita gãnare. Ñ ya rio buto yobojaguti yoari mejeti mucana yo jidicãsuoyiju. Dios rotirisere cudi jeo masibiticõri bojori bujayijarã ãna. “Goda warã ya mani”, yire masiyijarã ãna. ⁸ Espiritu Santo quedi sãja ecoana mani ñajare ñeñaro mani yirisere ãcabojuoru Dios. Ito bajiri, “Bucu oca rãto busaro ñasarise ña mame oca Dios ã wasoare”, yi tuoia mani. ⁹ Buto guijorise rãca bucu oca iti ejabojarocati iti oca queno cudi jeo masibisijarã masa. Itire cudi jeo masibiticõri, “Godarã ya mani”, yiyijarã ãna. Bucu oca rãto busaro ñasarise ña mame oca Dios ã wasoare. Mame oca ã wasoarena ado bajiro gotiami Dios: “No Espiritu Santo quedi sãja ecogu ñe seti macu ñami ã”, yi gotiami Dios ã ocana. ¹⁰ Jane mejeju Moisés ñayoru ã rotirise buto rucubuoijarã masa. Buto iti rucubuoire ñabojarocati, rãtoro rucubuoire ña mame oca Dios ã wasoare. Moisés ñayoru ã rotigore jedi wayiju ãja. Ito bajiri mame oca Dios ã wasoare ña buto mani rucuburoti. ¹¹ Moisés ñayoru ã rotirise buto rucubuoire ñabojaroti yoari sejabisiju. Mame oca Dios ã wasoareama jedibeto yiroja. Natĩñaro yiroja. Mame oca Dios ã wasoare mani tuorũnũja, catitĩñarã yirãji mani. Ito bajiri bucu oca rãtoro ñasarise ña mame oca Dios ã wasoare.

¹² “Buto ñasarise ña Dios oca”, yi tuoia yu. Ito bajiri guigu meje Dios oca masare buto riasoa yu. ¹³ Moisés ñayoru bajiro meje baja yu. Dios rãca ã busija bero ã ya rio sayana camotayiju Moisés ñayoru. Ñ ya rio yorise iti jedi waja tibe yirocu camotayiju Moisés ñayoru. ¹⁴ Jane

mejeju cuni Dios oca tuorũnu ãmobisijarã judio masa. Ito bajiri ã oca tibojarãti tuo masibisijarã. Adi rumuri cuni ito bajiroti bajicõama ãna. Moisés ñayoru ã ucare ãna tibojaja cuni tuo masibeama ãna. Cristore tuorũnurã riti Dios oca ticõri ti masiama ãna. ¹⁵ Ito bajiri Cristore tuorũnubiticõri Dios ocare tuo masibeama judio masa. Ito yicõri Moisés ñayoru ã ucare riasotibojarãti itire tuo masibeama ãna maji. ¹⁶ No mani Uju Jesucristore boca ãmigũti, Dios ocare tuo masigũ yiguji. ¹⁷ Jesucristo mani Uju, ito yicõri Espiritu Santo cuni coro bajiroti bajirã ñama ãna. Ito bajiri Espiritu Santo quedĩ sãja ecoana ñari, “Jesucristore mani tuorũnuja, catitĩñarã yirãji”, yi tuoia mani. “Moisés ñayoru ã rotirise yu cudija, yure masogũ yiguji Dios”, yi tuoĩabea mani. ¹⁸ Jesucristore tuorũnurã ñari, “Iti ñami rãtoro quenagũ”, yi tuo masia mani. Itire tuo masicõri ãre riti tuoia mani. Ito bajiro ãre tuoĩasoticõri co rumu ruyabeto buto busa ãre bajiro baji waju mani. Espiritu Santo quedĩ sãja ecoana ñari Jesucristo bajiro mani baji waroca yami.

4

¹ Yure ti maicõri ã oca masare yu riasotoni yure cũni Dios. Ito bajiro yure ã yija, oca sãoa yu. Ito bajiri ã oca riaso jidicãbea yu. ² “Rũore ocana meje masare Dios oca ñasarise riasocuja yu”, yicãcu yu. Yumasi yu tuoia rujeore meje riasoa yu. Dios oca iti riasoro bajiroti riasoa yu masare. Dios ã tiro riojo ñasarise riti riasoa yu masare. Ito bajiri, “Riojo ñasarise masare riasoami Pablo”, yi masi jedirãji masa yure. ³ Jãjarã ñama Cristo oca yu riasoja, tuo masimena. ã oca ãna tuo ãmobejare, ãna tuo masiroca yibeami ã. Ito bajiri ã oca tuorũnubiticõri jeame ãjuroju warona ñama ãna. ⁴ Cristore ãna tuorũnubeja, ãna tuoia wisaroca yami Satanás wame cutigu. ã ñami adi macãrucũro ñẽnarõ yirã ujũ. Cristo rucuboru ã oca

quenarisere ña tuorũnũre ãmobeami Satanás. Dioti ñami Cristo. Ito bajiri ï ocare ña tuo masime yirocũ ña tuoĩa wisaroca yĩni Satanás. ⁵ Masare yũ riasoja, yũmasi gaye meje riasoa yũ. “Jesucristo ñami mani Ujũ”, yire oca riasoa yũ masare. Cristore tuo maicõri ïre moa ïsigũ ña yũ. ïre cũdicõri ï oca mũare riasoa yũ, quenarise mũare ejatoni. ⁶ Adi macãrucũro rujeo wacũ, “Rãitĩaroju busuya”, yigorũ ñami Dios. ïti ñami ï ocare mani ya usijũ tuo masiroca yigũ. Ito bajiri, “Rũcũbuogu ñami Cristo”, yi tuoĩa mani. Cristore ti masicõri, “ï robo bajiro rũcũbuogu ñami Dios”, yi tuoĩa mani.

Cristore tuorũnũcõri queno ñare gaye

⁷ Gũa ï cũana ñasarã meje ña. ï ocajũa ña rẽtoro ñasarise. Yũ masirisena meje masare ï oca riasoa yũ. Bũto tuoĩa masigũ meje ña yũ. Ito bajiri yũ riasoja tuocõri, “Dios ï masirisena queno riasoami Pablo”, yi ti masiama masa yũre. ⁸ Masare Dios oca yũ riasoja, coji meje tuoĩa bujatobiticũ yũ. Ito bajiro tuoĩa bujatobitibojaguti Dios ocare riaso jidicãbea yũ. “¿Disejũa yisagũ yigũjada yũ?” yi tuoĩare jaia yũ cojirea. Ito bajibojaguti bojori bujabea yũ. ⁹ Jãjarã yũre ti tudirã ñabojarocati Dioama yũre jidicãbeami. Coji meje yũre ñeñaro yicã masa. Ito yicõri yũre jacajũ tumecãcõacã masa. Ito bajiro yũre ña yibojarocati mũcana tũdi wũmũ rũgũcõri masare Dios oca riaso ucucũ yũ. ¹⁰ No yũ wa ucuroju ñama masa coriarã yũre sĩa ãmorã. Jesure ña sĩado bajiroti yũre cuni sĩa ãmoama masa. Yũre ña sĩame yirocũ tirũnũsotiami Jesús yũre. Yũre ï tirũnũja ticõri, “Catigũ ñami Jesús. ï ñarãre queno tirũnũami”, yi tuoĩama masa. ¹¹⁻¹² Jesús oca yũ riasojare, coriarã masa sĩa ãmosotiama yũre. Yũre ña sĩa ãmbojarocati Jesuama yũre tirũnũami. “Catigũ ñami Jesús. Ito bajiri ï ñarãre tirũnũami ï”, yi mũare yũ

riasojare, yure s̄arona cuníama masa. Ito bajiro ñna yibojarocati Dios oca riaso jidicãbea yu. Jesure tuorũncõri, mua catitĩñare ãmogũ muare riasoa yu.

¹³ Dios oca tutiju ado bajiro gotiami s̄igũ: “Diore tuorũnua yu. Ito bajiri ñ oca masare gotia yu”, yi gotiami s̄igũ Dios oca tutiju. Ito bajiro tuoña yu cuni. Diore tuorũncõri ñ oca riaso jidicãbea yu. ¹⁴ Yure masa ñna s̄ia ãmoja güibebea yu. Mani Uju Jesucristo ñ godabojarocati mucana tudí ñ catiroca yini Dios. Ito bajiri Jesús yagu ñari, “Yu tudí catiroca yigu yiguñi Dios”, yi tuoña yu. “Mua rãca cocati ñ ñaroju ãmacũju manire ãmi wacu yiguñi Dios”, yi tuoña yu. ¹⁵ Quenarise gaye mua boca ãmitoni ito bajiro jeyaro r̄etacu yure. Jãjarã Jesucristore tuorũnũjaro, yirocu ñ oca riasoa yu. “Manire ti maicõri manire queno yami Dios”, yi warã yirãji masa jãjarã busa. “Mu ña r̄etoro r̄ucubhoru”, yi r̄ucubuo warã yirãji masa jãjarã busa Diore.

¹⁶ Itire masicõri oca s̄eo yu. Jesús oca riaso jidicãbea yu. Yu ya ruju bucua jedi wabojarocati yu ya usijuama oca s̄eo ña yu. Co r̄umu r̄uyabeto yu oca s̄eoroca yami Dios. ¹⁷ Adi sita ñagũ yu bujatobitire ñabojarocati yoari mejeti tuoña wanu quenagũ yiguja yu. Yu tuoña bujatobitire ñaja yure queno yigu yiguñi Dios. ñ rãca yu catitĩñaroca yure queno yisotigu yiguñi Dios. Masare riasogu yu tuoña bujatobitire waja yure queno yigu yiguñi Dios. ¹⁸ Ito bajiri yu tuoña bujatobitire itire buto tuoña yibebea yu. ãmacũju Dios queno ñ yirotiyuare buto tuoña yu. Mani ya ruju ñatĩñaroti meje ña. Ito bajibojarocati mani ya usijuama ñatĩñaroti ña. Ito bajiri ãmacũju Dios queno ñ yirotiyuare buto tuoña yu.

5

¹ “Ado mani reco ñari ruju godaroca gaje mama ruju

wasoagu yiguĩji Dios”, yi tũoĩa yũ. Ī masirisena mama ruju wasoagu yiguĩji manire. Mama ruju manire ĩ wasoaja, tũdi godabiti ruju ñaro yiroja iti ruju. Ito bajiri catitĩñarã yirãji mani, manire ĩ queno yurajuju. ² Adi sita ñarã bũto Dios tũ ware tũoĩa mani. “Mama ruju Dios ĩ wasoara rujuña ña ãmoa yũ”, yi tũoĩa yua mani adi sita ñarã. ³ Co rũmu Dios tũ ejacõri mama rujuña ñarã yirãji mani. Ito bajiri, “Yũ ya ũsi mama ruju ña yũre”, yirã yirãji mani Dios tũ ejacõri. ⁴ Adi sita ruju cuti ñarã tũoĩa oca jaia mani. Ito yicõri tũoĩa bũjatobea mani. Goda ãmobitibojarãti ũmacũju ñari rujuĩre ãmoa mani. Dios ĩ ñaro godaya manojũ ña ãmoa mani. ⁵ Queno tũoĩacõri manire queno rujeoñi Dios. Gaje ruju wasoarã mani ñatoni manire rujeoñi ĩ. Espĩritu Santo queo sãñi Dios mani ya ũsiju. Ito bajiro ĩ yijare, “Jeyaro Dios ĩ gotire ito bajiro riti rẽtaru yiroja”, yi tũoĩa mani.

⁶ Itire masicõri oca sũosotia yũ. Adi sita ruju, ruju cutigu ñari mani Ūju Jesucristo tũ wa masibea yũ maji. Ito bajiri ija rẽtaroti gayere tũoĩa yugu wanũa yũ. ⁷ Ija rẽtaroti gaye tibitibojaguti, Cristore tuorũnucõri, “Ito bajiro rẽtaru yiroja”, yi tũoĩa yũ. ⁸ Ito bajiro tũoĩagũ ñari oca sũoa yũ. Yũ godarotire gũibeaa yũ. Yũ godaroti gaye tũoĩagũ wanũa yũ. Mani Ūju Jesucristo tũjuã ñagũ wa ãmoa. ⁹ Adi sita yũ ñaja cũni, ũmacũju yũ ñaja cũni Dios ĩ ti wanũrise riti yi ãmoa yũ. Disejuã gaje ñasarise ma yũreama. Dios ĩ ti wanũrise riti yi ãmoa yũ. ¹⁰ Ado bajirojuã baja: Co rũmu rotira cumuro Cristo ĩ rujiro riojo masa jeyaro rũgõrã yirãji ĩ riojo. Iti rũmu mani ñeñaro yigore, mani quenaro yigore cũni manire waja yigu yiguĩji Cristo. Ito bajiro yicõri manire besegu yiguĩji Cristo.

Cristona suoriti oca ma manire, yire gaye

¹¹ Itire masicõri ĩre gũi rũcũbũoa yũ. Ito bajiri Cristore masa ĩna tuorũnũre ãmogũ ĩnare gotisotia yũ. “Yũre rũcũbũocõri queno masare riasoami Pablo”, yi masiguĩji

Dios yure. Múa cuni ito bajiro mua yi masire ãmoa yu. ¹² Iti muare yu gotija, yure ti wanure ãmogũ meje ya yu itire. Ado bajirojua baja: Yure busiturãre mua cudi masitoni, yu yigore muare queno goti rëtohua yu. Yure oca menirã ña ñama, “Gãjerã rëtoro ñasarã ña gua”, yibojarãti quenarise tuoïamena. “Ñasarise masare oca riasoñi Pablo”, yure mua yire ãmoa yu. ¹³ “Queno tuo masibicu ñami Pablo”, masa ña yure yibojaja cuni, no yibea yure. Diore rãcubhojaro ña, yirocu masare riasoa yu. “Buto masigũ ñami Pablo”, masa ña yure yibojaja cuni, no yibea yure. Múa queno ñatoni muare Dios oca riasoa yu. ¹⁴ “Yure maiami Cristo”, yicõri ñre cudi ãmoa mani. Manire buto ti maiami Cristo. Ito bajiri mani ñeñaro yirise waja, waja yi ñsigũ godañoi ñ. Mani ñeñaro yirise waja tuoïa bujatobisí Cristo. Ito bajiri mani ãmorise yirãona Cristo ñ ãmorisejuare yiruja manire. ¹⁵ Yure cudijaro ña, yirocu manire goda ñsiñi Cristo. Ito bajiri adi rumuri cuni Cristo ñ ãmoro bajiroti yi ñasotia mani. Ñti ñami godabojaguti mucana tudi catiru. Manire yiari ito bajiro yiñi ñ. ¹⁶ Gãjire tibojarãti, “Ito bajiro tuoïami ñ ya usiju”, yi masibea mani. Ito bajiri Diore masimena gãjerã ñeñaro ña tuoïaro bajiro tuoïabea maniamana. Cristore yu masiroto riojua, “Yu roboti adi sita gagu ñaguñi ñ cuni”, yi tuoïabojacu yu. Ñre masicõri gajero bajiro tuoïa yu ñja Cristore. ¹⁷ No Cristore tuorũnugũti ñ ñeñaro tuoïarise jidicãcõri gaje tuoïare wasoagu yiguñi. Ñ ñeñaro yirisere jidicãcõri mucana itire yi ãmobiqũñi ñ. Gaje ñ tuoïarise wasoacõri quenarise riti yi ãmoguñi ñja.

¹⁸ Dios ñami mani tuoïarise wasoagu. Iti rumuju ñ wajana ñabobarocati Jesucristo ñ goda ñsirena suoriti ñ ñarã mani ñaroca yiñi Dios. “Dios rãca oca quenocõri ñ rãca baba cutiya mua”, masare mani yitoni manire cũñi Dios. ¹⁹ Ado bajiro baja: Jesucristo ñ goda ñsirena suoriti mani

ye waja oca quenoñi Dios. Ì ñarã mani ñaroca yiñi Ì. Mani ñeñaro yirise ãcabojacõri, “Ñe seti mana ñama ñna ìja”, yiyijũ Dios. “Oca quenoñi Dios”, yũ yitoni yũre cũñi Ì. ²⁰ Mũare yũ goti rêtoburisenã suoriti mũare busiami Dios. Cristo oca goti Ìsiri masuti ña yũ. Cristore goti Ìsiri masũ ñari, ado bajiro mũare josa yũ: “Dios rãca oca quenoña mũa”, yi josa yũ mũare. ²¹ Cojireama ñeñaro yĩabicũ ñami Cristo. Cojireama ñeñaro yĩabicũ ñari Ì sīgũti mani ñeñaro yirise waja, waja yi masigũ ñami. Ito bajiro bajigũ Ì ñajare manire goda Ìsi rotiñi Dios. Ito bajiri Cristore mani tũorũnũja, “Ñe seti mama ñna”, yi tiami Dios manire.

6

¹ Diore moa Ìsigũ ñari ado bajiro goti josa yũ: Mũare ti maicõri mũare maso ãmoami Dios. Mũare Ì maso ãmoja rẽobesa. “Yũre masoña”, mũa yijaro yirocũ ito bajiro mũare goti josa yũ. ² Ì oca tutijũ ado bajiro gotiami Dios: Mũare yũ maso ãmori rũmũ yũre mũa senija, cũdicũja yũ. Ito bajiri yũre mũa senija, mũare masocũja yũ. Ito yicõri mũare ejabũacũja, yi gotiami Dios Ì oca tutijũ.

Tũoya yũ ñarã mũa. Adocãta ña mũare Dios Ì maso ãmori rũmũ. Ito bajiri mũa ìre senija, mũare masogũ yiguĩji Ì.

³ Quenarise riti yĩasotia yũ. Dios oca riasogũ ñabojaguti ñeñarise yũ yija, yũre tũorũnumena yirãji masa. Ito bajiri ñeñarisere yi ãmobicõri quenarise riti yĩasotia yũ. ⁴ Ado bajirojũã ya yũ. “Diore queno moa Ìsigũ ñami Pablo”, yũre masa yijaro yirocũ quenarise riti yĩasotia yũ. Ito bajiri tũoĩa bũjatobitibojaguti ñemecutia yũ. Yũre masa ñna ñeñaro yi codebojarocati ñemecutia yũ. Diore tũorũnũcõri Ì ocare jidicãbea yũ. ⁵ Coji meje yũre bajecã ñna. Coji meje yũre tubia, yũre tudi yicã ñna. Bogabojaguti ito bajiroti moa ñacõã yũ maji. Cojireama

ñami canibicati, busuasoticu yu. Ito yicōri coji meje ñiocōsoticu yu. ⁶Yu queno yirise ticōri, “Diore queno moa ñsigũ ñami Pablo”, yirãji masa yure. Quenarise tuoïagũ ñari ñeñaro yibea yu. Dios ocare riasoticōri ñasarisere masia yu. Masa ñna yure ñeñaro yibojarocati tudibea yu ñnare. Masare usirioro yigu meje ña yu. Gãjerãre ejabua yu. Espiritu Santo quedi sãjacōri yure ejabuami ñ, Diore yu cudi masitoni. Gãjerãre buto maia yu. ⁷Oca ñasarise riasogu ña yu. Quenarise yu yija, Dios ñ ejabuarisena ya yu itire. Jesucristore tuorũnucōri quenarise riti yĩasotia yu. Yu ñeñaro yijaro yirocu rũmũ ñ yibojarocati yu ñeñaro yiroca yi masibeami ñ. ⁸Coriarã ñama yure rucuburã. Gãjerãma rucububeama. Yure queno busirã ñama coriarã. Gãjerãma yure busiturã ñama. “Socari masu ñami Pablo”, masa ñna yure yitubojarocati, oca ñasarise riti riasoa yu. ⁹“¿Ñimũ ñaguĩjida Pablo? Ñre masibea guã”, yama coriarã. “Ñasagu ñami Pablo. Ñre masia guã”, yirã ñama gãjerã. Coji meje yure masa ñna sãboroca, catia yu maji. Jãjarã yure ñeñaro ñna yi codebojarocati, Dios yure ñ ejabuarisena catia yu maji. ¹⁰Cojireama buto bojori buja yu. Ito bajibojarocati Jesucristore yu tuorũnujama wanusotia yu. Bojoro bujagu ña yu. Ito bajibojarocati masare Dios oca yu riasoja, ñna queno ñaroca ya yu. “Ñe macuti ñami Pablo”, yama gãjerã yure. Ito bajibojarocati yu wanu quenaroca yami Dios yure. Ititi ña yu ãmorise. Ito bajiri disejua gaje yu ãmorise ruyabea yure.

¹¹Corinto cuto gãna tuoya yu ñarã mua. Yu ya usiju yu tuoïarise goti jeoa yu muare. Muare buto tuo maia yu.

¹²Muare yu buto tuo maibojarocati muajuama yure tuo maimenaji. Sigu robo bajiro mani baba cutibea yure seti ma. Muajua yure tuo maimenaji. Yuama buto mua baba ña ãmoboja. ¹³Jacu ñ rĩare maigu busiado bajiro muare busia yu. Muare yu tuo mairo bajiroti yure tuo maiña mua

cuni.

Mani ya usiju Dios i ñajare i ya wi robo bajirã ña mani, yire gaye

¹⁴ Cristore tuorũnumena rãca baba cutibesa mua. Diore tuorũnurã bajiro meje tuoĩama Diore masimena. Sigũre bajiro tuoĩarã meje ñama ñna. Quenaro yirã, ñeñaro yirã ñna tuoĩaro bajiro meje tuoĩama ñna. Busurise robo bajirise meje ña rãitĩarise. Iti bajiroti Diore tuorũnurã cuni Diore tuorũnumena bajiro tuoĩarã meje ñama ñna. ¹⁵ Cristo, Satanás rãca coro bajiro tuoĩarã meje ñama. Ito bajiro bajiamu Cristore tuorũnurã. Ñre tuorũnumena rãca coro bajiro tuoĩabeama ñna. Ito bajiri coro bajiro tuoĩabiticõri gãmeri baba cuti masimenaji ñna. ¹⁶ Dios catitĩagũ ya wi ejacõri ñre riti rũcubũorã yirãji. Ito bajiri masa ñna meni rujeoanare mani rũcubũoja quenabetoja. Masa ñna meni rujeoanare Dios ya wiju mani ãmi sãjaja buto quenabetoja. Ito bajiroti Diore tuorũnumena rãca mani baba cutija quenabetoja. Mani ya usiju Dios i ñajare i ya wi bajiro bajia mani. Ito bajiroti gotiami Dios i oca tutiju. Ado bajiro gotia iti:

Yu ñarã ya usiju ñasotigu yiguja yu. No ñna ñariju ñna ñaja, ñna rãca ñagũ yiguja yu. Ñna rũcubũogũ ñagũ yiguja yu. Yu ñarã ñarã yirãji ñna, yi gotiami Dios i oca tutiju.

¹⁷ Gaje ado bajiro gotiami mani Uju:

Ñeñaro yirãre baba cutibesa. Ñna tu ñabojarãti sõ busa ñacõaña. Ñna ñeñaro yiro robo yibesa mua. Yu yiro bajiro mua yija, mũare boca ãmigũ yiguja yu, yi gotiami mani Uju.

¹⁸ Mua Jacu ñagũ yiguja yu. Yu rãa ñarã yirãji mua, yi gotiami rẽtoro masigũ mani Uju, i oca tutina.

7

¹ Tuo ya yu ñarã mua. Adi muare yu gotirise Dios ï gotire ña. Ï yiro bajiro riti yisotiami Dios. Ito bajiri ñeñarise jeyaro jidicãruja manire. Manimasiti mani ya ruju ñeñaro iti tuoïaro bajiro yibitiruja manire. Mani ya usiju mani ñeñaro tuoïarise cuni jidicãruja manire. Diore rãcubucõri ï ãmorise riti yiruja manire. Quenarise riti yiruja manire.

Ñeñarisere jidicãcõri quenariseju tuoïaja quena, Pablo ï yire gaye

² Gaje ado bajiro muare gotia yu. Yure ti tebesa. Tuo maiña yure. Ñimujuare ñeñaro yibiticu yu. Ñimujuare ñeñarise yi rotibiticu yu. Yumasirio bujarocu ruobiticu yu masare. Ito bajiri yure tuo maiña. ³ Adi muare yu gotija, muare busiturocu meje ya yu. Muare buto tuo maia yu. Mani catija, mani godaja cuni Jesucristo ñarã ñari sigũre bajiro riti tuoïarã yirãji mani. Muare yu gotiado bajiroti tuo mai jidicãbicuja yu. ⁴ “Yu gotiro bajiroti cudirã yirãji”, yi tuoïa yu muare. Ito bajiri muare buto wanua yu. “Queno yirã ñama Corinto cuto gãna”, muare yi tuoïacõri buto wanua yu. “Ito bajiro bajirã ñama Corinto cuto gãna”, muare yi tuoïacõri oca sãoa yu. Tuoïa bujatobitibojaguti mua queno yirisere tuoïacõri wanua yu ïja.

⁵ Ado Macedonia sita yu ejaja tujacãre manicu yure. Oca jaje ñacu ado. Jãjarã ñacã yure ti tudirã. Adi cuto gãna sigũ robo bajiro ñna tuoïabeja, jaje gãmeri tudire ñacu. “Dios ocare queno cudibeamã ñna”, yi tuoïacõri yu ya usiju bojori bujacu yu. ⁶ Oca sãomenare oca sãoroca yigu ñami Dios. Ito bajiri yu bojori bujabojarocati yu oca sãoroca yiquĩ ï. Tito ï ejaja ticõri, yu oca sãoroca yiquĩ Dios. ⁷ Tito ï ejare gayena riti meje wanua yu. Mua gaye ï gotija tuocõri, wanua yu itire cuni. “Yure tuorũncã Corinto cuto gãna,

ito yicōri yu oca sēoroca yicā”, i yija tuoōri wanua yu. Gaje ado bajiro gotiqui Tito yure: “Mure buto ti amoama Corinto cuto gana. Ina ñeñaro yirisere tuoīacōri buto bojori bujama ina. Mure rucubuoōri buto tuo maiama ina”, yi goti ejaqui Tito yure. Ito bajiro i yija tuoōri, buto busa muare wanucu yu.

⁸ Iti rumu muare papera cōagū, “Iti papera ticōri jabeto bojori bujarā yirāji ina”, yi tuoīacōri bojori bujacu yu. “Ñeñaro yirā ña mani”, mua yijaro yirocu, iti papera muare cōacu yu. Ito bajiri, “Iti papera cōabitirujabojayija yure”, yi tuoīabea yu. ⁹ Iti papera muare yu cōacati tuoīacōri wanua yu ija. Iti papera ticōri mua bojori bujare gaye meje wanua yu. Ado robojua baja: “Ina ñeñaro yirise jidicācōri gaje tuoīare wasoama ina ija”, yure i yija tuoōri, wanucu yu muare. Iti papera yu cōare ticōri bojori bujayija mua. Ina ñeñaro yirisere jidicājaro yirocu, mua bojori bujaroca yiñi Dios. Ito bajiri iti rumu muare yu papera cōacati quenarise gaye ñacu iti. ¹⁰ Mani ñeñaro yirise mani tuoīaja, mani bojori bujaroca yami Dios. Gaje tuoīare mani wasoaja ticōri, manire wanugū yiguji Dios. Ito yicōri manire masogū yiguji. “Yu ñeñaro yirisere tuoīacōri yu bojori bujaroca yibitirujabojaji Dios”, yibea mani. “Ito bajiro yi masigū ñami Dios”, yi tuoīacōri, buto wanua mani. Ina ñeñaro yirise tuo bojori bujaborarāti itire jidicā amobeama gājerāma. Ito bajiri goda warā jeame ujuroju warā yirāji ina. ¹¹ Mua bojori bujaroca Dios i yija, muare queno yigu yiñi i. Tuoiate mua: Ito bajiro muare Dios i yija, rucubuo quenaro tuoīasuo yija mua ija. “Oca ña mani wato. Itire quenoraja manire”, yi tuoiana mua. “Iti mani oca quenobeja mani tuoīa bujatobitiroca yigu yiguji Dios”, yi tuoīa güiana mua. Ito bajiro tuoīacōri, ñeñaro yigu i tuoīa bujatobitiroca yiana mua, itire jidicājaro yirona. Ito bajiro yicōri oca

quenoyija m̄ua. Ito bajiri, “Queno yama ñna. Ñe seti ma ñnare”, yi tuoña yu m̄uare. ¹² Iti r̄um̄u m̄uare papera yu c̄oacati, “Ñna wato ñeñaro yigu ñ tuoña bujatobitiroca yijaro”, yirocu meje papera c̄oacu yu. Ito yicōri, “Ñ ñeñaro yirure ejabuaya m̄ua”, yirocu meje papera c̄oacu yu m̄uare. Ado bajirojua yicu yu. Pablöre tuo mairã ña mani. Ito bajiro Dios ñ tiro riojo Pablöre c̄udir̄ja manire yijaro ñna, yirocu iti papera c̄oacu yu m̄uare. ¹³ Ito bajiri queno m̄ua yire tuoñacōri oca s̄eoa yu.

“Queno yama ñna”, Tito ñ yija tuocōri, buto busa wanua yu m̄uare. Ado bajiro yure yiquí ñ: “Corinto c̄uto ḡana queno ñna yija ticōri, oca s̄eocu yu”, yi goti ejaquí Tito yure. Ito bajiro ñ wanuja ticōri, yu c̄uni m̄uare buto wanua. ¹⁴ M̄ua tu Titore yu c̄aroto riojua ado bajiro yicu yu ñre: “Ñnare yu oca c̄oaja, queno c̄udir̄a yirãji Corinto c̄uto ḡana”, yicu yu Titore. Ñre yu yicato bajiroti queno c̄udiyija m̄ua. Ito bajiri Tito t̄adi ejacōri ñ tiro riojo bojobeá yu. “C̄udir̄a yirãji ñna”, yu yiado bajiroti c̄udiyija m̄ua. Coji r̄ayabeto ñasarise m̄uare basicu yu. ¹⁵ Ñre m̄ua c̄udigore tuoña bujacōri buto busa tuo maiami Tito m̄uare. “Yure tuocōri r̄uc̄ub̄ore r̄aca c̄udicã ñna”, yi masicōri m̄uare buto wanuami Tito. ¹⁶ “Yu gotirise jeyaro c̄udi jeorã yirãji ñna”, yi tuoña yu m̄uare. Ito bajiri m̄ua r̄aca buto wanua yu.

8

Bojoro bujarãre wanure r̄aca ejabuaja quena, yire gaye

¹ Tuoya yu ñarã m̄ua. Ado Macedonia sita ḡana Jesucristore tuor̄unr̄ã Dios ñ queno yire gaye m̄uare goti ãmoa yu. Ñnare ti maicōri queno yiñi Dios. ² Jaje oca tuoña bujatobitibojarãti wanuama ñna. Bojoro bujarã ñabojarãti ḡajerãre ejabuarona jaje niyeru miojuama ñna. ³ Ñna miojuja ticōri, “Maibiticōri queno wanure r̄aca ñsiamá

ĩna”, yi tũoĩa yũ. Ĩna rucorocõ ĩsibojarãti bojoro bũjarãre tũo maicõri, jai busaro ĩsiamã ĩna mucana. Yũ senibiti-bojarocati queno ĩsiamã ĩna. ⁴ “Jerusalén gãna Jesure tũorũnarã bojoro bũjarãre ejabua ãmoã gũã. Ito bajiri adi niyeru ãmi wa ĩsiña ĩnare”, yi josama ĩna yũre. ⁵ “Adocõ queno yirã yirãji ĩna”, yi yũ tũoĩa yuado rẽtoro queno yama ĩna. “Dios ĩ ãmoro bajiro riti yi ãmoã gũã”, yama ĩna. “Diore cudicõri mũre cuni cudi ãmoã gũã”, yama ĩna yũre. “Niyeru miojucõri Jerusalén gãna bojoro bũjarãre ejabua ãmoã gũã”, yama ĩna yũre. ⁶ ĩna ito yija ticõri, “Corinto cuto gãna tũju tũdi wasã mũ”, ya yũ Titore. “Mũ ñã bojoro bũjarãre yari niyeru mioju rotiru. Itoju tũdi wacõri ito bajiroti niyeru mioju ñama mũ”, ya yũ Titore. ⁷ Gãjerã rẽtoro masirã ñã mũã. Jesucristore queno tũorũnarã ñã mũã. Queno masirã ñari Dios oca goti rẽtobu masia mũã. Gãjerãre buto ejabua ãmorã ñã mũã. Yũre buto ti mairã ñã mũã. Ito bajiri bojoro bũjarãre ejabuarona gãjerã rẽtoro niyeru mũã miojuja quena. Ito yicõri wanũ quenaro mũã miojuja quena.

⁸ Ito bajiro mũare yũ yija, rotigu meje ya yũ. Queno wanũ quenaro bojoro bũjarãre ejabuarona niyeru ĩsiamã coriarã. “¿Riti gãjerãre tũo maiati ĩna?” yirocũ ya yũ mũare. Bojoro bũjarãre mũã tũo maija, ĩnare ejabuarona niyeru miojurã yirãji mũã. ⁹ “Manire ti maicõri manire godã ĩsiñi mani Uju Jesucristo”, yi tũoĩarã ñã mũã. Dise ruyabeto rucogũ ñabojaguti manire ti maicõri ĩ rucorise jidicãyiju. Adi sitã ejagu bojoro bũjagu robo bajiro ñayiju ĩ. Ito bajiro ĩ bajijare catitĩnarã yirãji mani. Manire ĩ queno yirajũna suoriti ñejũã ruyabetoja manire.

¹⁰ Mũã queno ñare ãmogũ yũ tũoĩarise mũare gotigu ya yũ. Iti rãmũca rodo mũã yisũore mũã tũoĩare ãmoã yũ. Iti rãmũca rodo bojoro bũjarãre ejabuarona niyeru miojusũoyija mũã. Mũã miojusũore mũã tĩore ãmoã yũ.

“Bojoro bujaräre ejabuaronona niyeru miojuto mani”, yirã, wanure rãca niyeru miojusuooyija mua. ¹¹ Adocãta cuni ito bajiroti niyeru miojutĩnacõña mua. Mioju tĩocõri mua cõaja quena. Iti rumu wanu quenaro mua miojuado bajiroti yija quena adocãta cuni. Maimenati mua ãsija quena. ¹² Ado robojua baja: Jairo mua rucoja jairo ãsija quena. Jabeto mua rucoja jabetoti ãsija quena. Maimenati wanure rãca mua ãsi ãmoja muare wanugũ yiguji Dios.

¹³ “Bojoro bujaräre ejabuaya”, yu yija, “ãsi jeocõña”, yigu meje ya yu muare. “Bojoro bujaräre niyeru ãsi jeocõri, bojoro bujaya mua”, yigu meje ya yu muare. ¹⁴ Coro bajiro ñarejua mua ñaja quena. Mua ña jaje rucoã. Ito bajiri, “Bojoro bujarã ñama ña”, yi ti masicõri ñare mua ãsija quena. Mua ãmorise iti manija, muare ãsirã yirãji ña cuni. Ito bajiri ñejua ruayabetoja ñare, muare cuni. Ito yija corocõ ñarã yirãji mua. ¹⁵ Dios oca tuti ado bajiro gotia: “Jairo mioju ãmorã ñabojarãti ña ãmoro rãtoro bujabisijarã ña. Gãjerãma jabetacã miorã ñabojarãti ña ãmorocõ bujayijarã ñama”, yi gotia Dios oca tuti.

Tito mesare queno boca ãmiña mua, Pablo ã yi ñucare gaye

¹⁶ Muare yu tuo mairo bajiroti muare tuo maiami Tito cuni. Muare ejabua ãmoami ã cuni. Muare ã tuo mairoca yĩni Dios. Ito bajiro ã yija, “Queno ya Dios mu”, ya yu ãre. ¹⁷ “Corinto cuto gãnare ejabuatẽña”, yu yi gotija, queno wanu quenaro cudiquĩ Tito. “Ban, wacuja yu”, yi cudiquĩ ã. Muare buto tuo maigũ ñari ãmasiti, “ãna tu wacuja yu”, yi tuoãquĩ ã.

¹⁸ Titore baba cuti warocu mani bajiro Cristore tuorũnugũre mua tu cõa yu. Masa jeyaro ña rucubuoqu ñami ã. “Dios ocare queno goti rãtobu masigũ ñami ã”, yi gotiama jeyaro Jesure tuorũnurã. ¹⁹ ñare niyeru mioju ejabuajaro yirona, ãre besecã Jesure tuorũnurã. “Bojoro

bujarãre niyeru ĩsi ejabatẽña”, yicã ĩna ĩre. Bojoro bujarãre ĩsirona niyeru ĩna miojure gua ĩsi bateja ticõri, “Bojoro bujarãre queno ejabuama Jesure tuorũnurã”, yi tuoĩarã yirãji masa jeyaro. Ito yicõri mani Uju Jesucristore rũcubũorã yirãji ĩna. ²⁰ “Adi gayeti niyeru ãmi ruoguĩji Pablo”, yi masa ĩna yũre busiture ãmobeia yũ. Ito bajiro ĩna tuoĩame yirocũ queno tuoĩacõri niyeru ĩsi ñuca yũ. ²¹ “Niyerure ãmi ruobiquĩji Pablo. Ñarocõti bojoro bujarãre ĩsi ñucacõgũ yiguĩji”, yi tiguĩji Dios yũre. “Niyeru ñarocõti ĩsi ñucacõñi Pablo”, masa ĩna yijaro yirocũ, masa ĩna rũcubũogu Titore baba cuti ware ãmoa yũ.

²² Ito yicõri ĩna rãca ado gãna ĩna beseru, gãji mua tu cõagũ ya yũ. Cristore tuorũnũgũ ñari mani yagu ñami ĩ cuni. ĩre ti masigũ ñari, “Queno yigu ñami ĩ”, yi tuoĩa yũ ĩre. Coji ruayabeto ejabua ãmosotiami ĩ. “Corinto cuto gãna queno cudiana ĩna”, yũ yija tuocõri, muare ejabua ãmoami ĩ. ²³ Mua tu gãna, “¿Ñimu ñaguĩjida Tito?” ĩna yi seniĩaja, ado bajiro mua cudija quena: “Pablo baba ñami ĩ. Pablo robo bajiro manire Dios oca goti rõtobugũ ñaguĩji ĩ cuni”, mua yija quena. Gãjerã jũarã Titore baba cuti warã Jesucristore tuorũnurã ñama ĩna cuni. Ito bajiri mani ñarã ñama ĩna. ĩna queno yire ticõri, “Queno yirã ñama Jesucristo ñarã”, yi tuo masiama ado gãna ĩnare. Ado gãna Jesucristore tuorũnurã mua tu ĩna watoni ĩnare besecã. ²⁴ Mua tu ĩna ejaja, rũcubũore rãca ĩnare boca ãmiña. “Queno yirã ñama Corinto cuto gãna. Gãjerãre rũcubũorã ñama ĩna”, ya yũ masa jeyarore. “Riti yami Pablo”, gãjerã Jesucristore tuorũnurã ĩna yi masitoni, yũ gotiro bajiroti rũcubũore rãca ĩnare boca ãmiña mua.

9

Mani ñarã bojoro bujarãre ejabuaja quena, yire gaye

¹ “Mani ñarã bojoro bujarãre ejabuarona niyeru miojuja quena”, yi tuoïarã ña mua. Ito bajiri, “Masicãrãji ña”, yibojaguti uca yu muare. ² “Bojoro bujarãre ejabua ãmoama ña”, yi tuoïa yu muare. Ado Macedonia sita yu wa ucuja, “Iti rumuca rodo bojoro bujarãre ejabuarona niyeru miojustoñi Corinto cuto gãna”, ya yu masare. Muare wanugũ ito bajiro masare ya yu. Ito bajiro yu yija tuo oca sãocõri, “Mani cuni ito bajiroti bojoro bujarãre yiarì niyeru miojuto mani”, yama adi cuto gãna cuni. ³ Yu waroto riojua Tito mesare cõa yu. “Yu ejari rumu niyeru rãca minijua yucãrã yirãji ña”, yirocu cõa yu ñnare. “Niyeru mioju yucãrãji ña”, ya yu ado gãnare. Ito bajiri mua tu ejacõri, “Niyeru mioju tiobeama ña maji”, ña yire tuo ãmobeas yu. “Niyeru mioju yucãrã yirãji”, yi tuoïa yu muare. ⁴ Ado gãna Macedonia sita gãna yure ña baba cuti waja, niyeru manoti muare ña ti bujare ãmobeas. “Corinto cuto gãna bojoro bujarãre ejabuarona niyeru mioju tiocãrã yirãji ña”, ya yu ado gãnare. Ito bajiri mua ruco yubeja, bojori bujagu yiguja yu. Mua cuni bojori bujarã yirãji mioju tiobiticõri. ⁵ Ito bajiri mani ñarã Tito mesa yu waroto riojua mua tu ña waja quena yure. “Adocõ ñsiana gna”, mua yire mioju tiõ masitoni muare ejabuarã yirãji ña. Ito bajiri yu ejaroca tijacãre ñaro yiroja iti mua miojure. Ito bajiri yu ejaroto riojua sigũ ruyabeto mua ñsi ãmorocõ ñsirã yirãji mua. Ito bajiri, “Pablo ñnare ñ josajare ñsiñi ña”, yi tuoïamenaji gãjerã.

⁶ Ado yu busirise tuoja mua. No jabeto otegu ñ oterocõti bujagu yiguñi. Jairo oteguama jairo bujagu yiguñi. No jabeto ñsigũ itocõti boca ãmigũ yiguñi. Jairo ñsigũ jairo bujagu yiguñi. ⁷ “Adocõ ñsigũ yiguja yu”, mua ya usiju yi mua tuoïadocõ mua ñsija quena. Maibojarãti mua ñsija quenabea. ñsi ãmobitibojarãti gãji ñ josaja tuocõri, mua ñsija quenabea. Muamasiti ñsi ãmorã mua ñsija quena.

Wanꝯ quenaro ĩsirãre ti wanꝯami Dios. ⁸ Ito bajiro mꝯa yija ticõri, mꝯare queno yigꝯ yiguĩji Dios. Mꝯa ãmoro rẽto busaro ĩsi remogũ yiguĩji Dios. Ito bajiri ñejua rꝯyabetoja mꝯare. Ito bajiro mꝯare yigꝯ yami Dios, bojoro bꝯjarãre mꝯa ejabuatonı. ⁹ Ado bajiro gotia Dios oca tuti:

Maibicuti bojoro bꝯjarãre ĩsigũ yiguĩji Diore rꝯcꝯbuogꝯ. Ito bajiri ĩ queno yigore ãcabojobicꝯ yiguĩji Dios, yi gotia Dios oca tuti.

¹⁰ Dios ñami, otejaro yirocꝯ, aje ĩsigũ. ĩti ñami, bajaro yirocꝯ, bare ĩsigũ. Mꝯa ãmorise ñarocõti mꝯare ĩsigũ yiguĩji Dios. Gãjerãre mꝯa ejabuatonı mꝯare ĩsigũ yiguĩji Dios. ¹¹ Jairo mꝯare ĩsigũ yiguĩji Dios, bojoro bꝯjarãre mꝯa ejabuatonı. Ito bajiro mꝯa yijare, “Queno ya Dios mꝯ”, yi rꝯcꝯbuorã yirãji masa ĩre. Jerusalén gãna Jesucristore tꝯorũnrãre mꝯa miojure yꝯ ãmi ejaja ticõri, “Queno ya Dios mꝯ”, yi rꝯcꝯbuorã yirãji ĩna ĩre. ¹² Mani ñarã bojoro bꝯjarãre adi mꝯa ĩsija, queno ejabꝯaro ya ĩnare ĩna queno ñatonı. Ito bajiro mꝯa yija, “Queno ya Dios mꝯ”, yi rꝯcꝯbuorã yirãji ĩna. ¹³ ĩnare mꝯa ĩsijare, “Cristo ocare queno cꝯdiama Corinto cuto gãna”, yirã yirãji ĩna mꝯare. Ito yicõri Diore rꝯcꝯbuorã yirãji ĩna. “Manire ejabuacõri gãjerãre cꝯni bꝯto ejabuama ĩna”, yirã yirãji ĩna. Ito bajiri Diore rꝯcꝯbuorã yirãji ĩna. ¹⁴ “Manire ĩna queno ejabꝯaroca yiñi Dios”, yirã yirãji mꝯare tꝯo wanꝯõri. Ito mꝯa yire tꝯoĩacõri mꝯare yiari bꝯto Diore seni ĩsirã yirãji ĩna. ¹⁵ “Queno ya Dios mꝯ”, yirꝯja manire. Rẽtoro quenarise manire ĩsiñi Dios. ĩna ñeñaro yirise waja yi ĩsijaro yirocꝯ, ĩ Macꝯre cõañi Dios. Iti ña rẽtoro ñasarise. Ito bajiri, “Queno ya Dios mꝯ”, yirꝯja manire.

10

Dios ĩ rotirisena riasoa yꝯ, Pablo ĩ yire gaye

¹ Yũ ña Pablo. Yũre jabeto ña mũare yũ gotiroti. Ado bajiro baja iti: Masare busigu ñnare ti maicõri quenoti busiyijũ Cristo. Ñre bajiro mũare goti ãmoa yũ cuni. Ito gãna coriarã yũre busituyijarã. “Mani rãca ã ñajama quenoti manire busiami Pablo. Sõjũ ã ñajama manire oca sãoro busiami”, yiyijarã mũa coriarã yũre busiturã.

² Ñeñaro yirãre goti queno masia yũ. Ito bajibojarocati mũa tũ yũ ejaja, sãoro busi ãmobeaa yũ. Ito bajiri ñeñaro mũa yirise jidicãña, mũa tũ ejacõri yũ oca sãoro busibe yirona. “Adi sita ñeñaro yirã robo yigu ñami Pablo”, yi yũre busiturãreema oca sãoro busicũja yũ.

³ Ito bajiroti baja. Mũare bajiroti masũ ña yũ cuni. Ito bajibojarocati Dios oca yũ riasoja ã masirisena riasoa yũ.

⁴ Yũmasi tũoĩarisena yũ riasojama, queno riasobitibogũja yũ. Dios ã masirisena riasoa yũ. Ito bajiro bajigu ñari ñeñaro yirãre rãtocũ masia yũ.

⁵ Jesure gãjerã tũorũnũme yirona, “Ñasarise riasobea mũ”, yũre ñna yija, Dios ã ejabuarisena ñnare busi rãtocũa yũ. Cristo oca yũ riasorise gãjerã ñna riasobojarise rãto busaro ñasarise ña. Ito bajiri Cristo oca yũ riasoja tũorũnũcõri, ñre cudi ãmorãji ñna ãja. Dios ã masirisena ito bajiro ya yũ.

⁶ Ito bajigu ñari mũa wato yũ riasorisere cudi menare goti queno masia yũ. Sigũ rũyabeto mũa cudi ja, gãjerã cudi menare riasogu yigu ja yũ.

⁷ Yũre tibojarãti yũ tũoĩarise masibea mũa. Ito bajiri queno tũoĩaña mũa, “Riti Cristo ñarã ña gũa”, mũa yijama, “Riti Cristo yagu ñami Pablo”, yi ti masiborãji mũa yũre.

⁸ Mũare yũ riasotoni yũre cũñi Dios. Mũare biyaro yũ gotija cuni, bojobea yũ. “Mani Hũjũ, ‘Yũ oca riasojaro ñnare’, yirocũ yũre cũñi ã”, yi tũoĩa yũ. Vojori bũjajaro ñna, yirocũ meje yũre cũñi Dios. Ado bajirojũa baja: Oca sãoro mũa ñnaton yũre cũñi Dios.

⁹ “Manire papera ã cõaja, ‘Sãoro busiami Pablo mani gũijaro’, yirocũ”, yi

tuoĩabitirũja mũare. Ito bajiro mũa tuoĩare ãmobeaa yũ. ¹⁰ Mũa coriarã yũre busiturã, ado bajiro ya mũa: “Pãpera jũjũna oca sũoro busibojaguti mani tũ ĩ ejajama oca sũoro busibiquĩji ĩ. Oca sũogũ meje ñami ĩ. Rojogu ñami. Ñe waja ma ĩ busirise”, yi yũre busiturãji mũa coriarã. ¹¹ Ito bajiro yũre ĩna yibojarocati ito bajiro bajigu meje ña yũ. Pãpera jũjũna oca sũoro yũ busiro bajiroti busigu yiguja yũ, yũre busiturã tũ ejaгу cãni. “Iti masi yuya mũa”, ya yũ mũare.

¹² Ado bajiro yirãji mũa rãca gãna coriarã: “¿Ñimũ ñati mani wato buto busa tuoĩagũ? Yũ ña buto busa tuoĩagũ”, yi gãmeri busirãji ĩna. “Gãjerã rẽtoro masirã ña mani”, yi tuoĩarãji ĩna. Ito bajiro ĩna yija, tuoĩa wisarã yirãji ĩna. ĩna robo bajiro tuoĩagũ meje ña yũ. ¹³ “Masigũ ña yũ”, yibea yũ. Ado bajirojũa ya yũ: Mũa Corinto cuto gãnare yũ riasotoni yũre cũñi Dios. Ito bajiri, “ĩ masirisena mũare riasoa yũ”, yũ yija, riti mũare gotia yũ. ¹⁴ Gãjerã riojũa Cristo oca quenarise mũare riasocũ yũ. Iti oca yũ mũare riasotoni yũre cũñi Dios. Yũmasi tuoĩa rujeocõri meje mũare riasocũ yũ. ¹⁵ Gãjerã riasoanare, “Yũ riasoana ñama ĩna”, yibea yũ. Yũmasi yũ moagore riti mũare busia yũ. Ado bajiro baja: Buto busa Jesucristore mũa tuorũnũre ãmoa yũ. Ito bajiri jai busaro mũare riaso ãmoa yũ. Riasojaro yirocũ, Dios yũre ĩ cũre riti riaso ãmoa yũ. ¹⁶ Ito bajiro yicõri mũa sõjũa ñarãre riasogu wa ãmoa yũ mũcana. ĩna tũ ejacõri Jesucristo oca quenarise ĩnare riaso ãmoa yũ. Gãjerã ĩna riasogobitianare riaso ãmoa yũ. Ito bajiro yũ yija, gãjerã riasogoana ñabojarocati, “Yũ riasoana ñama ãna”, yi goti wanũ ãmobeaa yũ.

¹⁷ Ado bajiro gotia Dios oca tuti: “Diore rũcũbuojaro masa yirocũ, ‘Dios ĩ masirisena yicũ yũ’”, mani yija quena. “Yũmasi tuoĩarisena yicũ yũ”, yibitirũja manire, yi gotia Dios oca tuti. ¹⁸ Sĩgũ ĩmasiti “Queno yigu ña yũ”, ĩ yibojaja,

waja ma iti. Dios ï boca ãmirocũ meje ñami ï. “Ãni ñami queno yigũ”, Dios ï yijama, ï ñami ï boca ãmirocũ.

11

Ruore oca riasorã Dios ï cũana meje ñama, Pablo ï yire gaye

¹ Tũo masibicure bajiro yũ busibojarocati yũre mũa tuorũnũre ãmoa yũ. Adĩ yũ busirise tuoya mũa. ² Romio gãji rãca ajebeco iso manũju ñarocure riti tuoĩagõ yigõji. Isore bajiro Cristore riti mũa tuorũnũre ãmoa yũ. Yũ ña cajero mũare riasosũocacũ. Cristore tuorũnũjaro ñna, yirocũ mũare riasocũ yũ. Ito bajiri bũto mũare Dios ï tuoĩaro bajiroti tuoĩa yũ cũni. Cristore tuoĩa jidicãme ñna, yirocũ mũare bũto tuoĩa yũ. ³ Jane mejeju rũmũa mũju jinona quedi sãjacõri Eva ñayorore ruoyijũ ï. “Ito bajiroti ñnare ruogũ yiguĩji ï”, yi tuoĩa yũ mũare. “Bũto Cristore masirã ñabojarãti rũmũ ï ruorise tuorũnũcõri Cristo oca jidicãrã yirãji ñna”, yi tuoĩa yũ. Ito bajiri bũto tuoĩa yũ mũare. ⁴ Ado bajirojũa bajia: Gãjerã ricati riasorã ñna ejaja, wanũre rãca ñnare boca ãmirãji mũa. Jesús oca yũ riasoado bajiro meje ñna riasobojarocati ñnare tuorũnũrãji mũa. “Ado bajiro bajiami Espĩritu Santo”, yũ yiado bajiro meje ñna riasobojarocati ñnare tuorũnũrãji mũa. “Ado bajiro masare masogũ yiguĩji Dios”, yũ yiado bajiro meje ñna riasobojarocati ñnare tuorũnũrãji mũa. Ito bajiro ñnare mũa tuorũnũja quenabea. ⁵ “Dios ï cũana ña gũa. Gãjerã rẽtoro masirã ña gũa”, yirãji ñna. “Dios ï cũrũ ña yũama. ñna ruja busaro meje ñagũja yũ ñnarea”, yi tuoĩa yũ. ⁶ Queno busi masibitibojaguti Dios ocare queno masia yũ. Ito bajiri ï ocare queno mũare goti rẽtobucũ yũ. Coji meje yũre tuogoana ñari, “Queno Dios ocare masiami Pablo”, yi tuoĩarãji mũa yũre.

⁷ Dios oca quenarise yu muare riasoja, waja senibiticu yu. Bojoro bujagu ñabojaguti, Dios ocare riti tuorunujaro ina, yirocu muare waja senibiticu yu. ¿Quenabisijari ito bajiro yu yija? Meje, queno yicu yu. ⁸ Gãjerã Jesure tuorunurã yure niyeru isi ñucañi. Ina ejabuarise boca amicõri mua tu riaso ñacu yu. Yure mua isi amobejare ñajua yure isi ñucañi. ⁹ Mua tu ñagũ bojoro bujacu yu. Ito bajiro bajibojaguti mua tu yu ña masitoni, “Yure ejabuaya mua”, yibiticu yu. Macedonia sita gãna ejacõri mua tu yu ña masitoni yu bojoro bujarise yure isicã ina. Mua tu ñagũ, “Yure ejabuaya”, yibiticu yu. Coji muare niyeru senibiticu yu. Ija cuni senibicuja yu. ¹⁰ Cristo oca yu riojo gotiado bajiro muare riojo gotigu yiguja yu. “Yu ña masitoni yure niyeru isiña mua”, yibicuja yu. “Gũare niyeru seniĩabemi Pablo”, yi tuoĩarã yirãji mua Acaya sita gãna jeyaro. ¹¹ Ado bajiro yu busija, ¿muare maigũ meje yati yu? Bajibea. Muare buto maia yu. “Inare buto maiami Pablo”, yi tuoĩaguĩji Dios yure.

¹² Muare waja senibicuti riasosotigu yiguja yu. “Pablore bajiro Dios ñ cũana ña gũa cuni”, yirã muare ina riasoja, waja senirã yirãji ina. “Pablore bajiro waja senia gũa”, ina yibe yirocu, muare waja senibicuja yu. ¹³ Diore moa isirã meje ñama inaõna. “Dios ñ cũana ña gũa”, yibojama ina. Ruo jairã ñama ina. “Cristo oca riasotoni ñ cũana ña gũa”, yi ruoama ina. ¹⁴ Ito bajiro ina yija tuo ucabea yu. Rũmua uju Satanás cuni cojireama ángel queno yigure bajiro godo wediguĩji. ¹⁵ Satanásre cudirã ina ñama ñ ñarã. “Muare ejabua amoa gũa”, yi ruoama ina. Ina uju Satanás masare ruorocu queno yigure bajiro ñ godo wedi ruoado robo bajiro yirãji ina cuni. Ina ñeñaro yire waja yirãonati co rumu tuoĩa bujatomena yirãji ina.

Cristore moa isigũ ñari ñeñaro tõbujacu yu, Pablo ñ yire

gaye

¹⁶ Ito bajiro yu yibojarocati, “Queno tuo masibicu ñami Pablo”, yi tuoñabesa mua yure. “Mecuri masu bajiro busiami Pablo”, yure yibojarāti, “Busijaro maji”, yiya yure, yumasi gaye yu busitoni. ¹⁷ Adocāta yu muare gotiroti mani Uju Jesucristo i goti rotire meje ña. Yu gaye riti busigu yiguja yu. Mecuri masa ñama ña ye riti busirã. ¹⁸ Mua wato gāna coriarã ñamasiti, “Queno yirã ña gua”, yirãji ña. Ñare bajiro yigu yiguja yu jabeto. ¹⁹ “Queno masirã ña gua”, yirãji mua. Ito yibojarāti mecuri masa ña busirisere tuorũnurãji mua. Ña ñarãji, “Dios i cūana ña gua”, yi ruorã. ²⁰ Ña josare bajiro muare ña yibojarocati ñare boca āmirã yirãji mua. Mua ye ruorona muare ruorãji ña. Manire moa isijaro ña yirona, muare ruorãji. Mua ya rioju jarãji. Ito bajiro ña yibojarocati ña yirisere tuorũnurã yirãji mua. ²¹ Muare ñeñaro ña yiado bajiro yi masibea yu. ¿Ito bajiro muare yu yibeja quenabeati? Meje, muare queno ya yu.

Mucana queno tuo masibicure bajiro busigu ya yu. Yumasi gaye muare gotigu ya yu. “Jaje quenarise yicu gua”, ña yi masija, “Ito bajiro jaje quenarise yicu yu cuni”, yi tuo masia yu. ²² “Hebreo oca busirã ñari gãjerã rëtoro ñasarã ña gua”, yama ña. Hebreo oca busiguti ña yu cuni. “Israel sita gāna ñari gãjerã rëtoro ñasarã ña gua”, yama ña. Yu cuni Israel sita gaguti ña. “Abraham ñayoru janerābatia ñari gãjerã rëtoro ñasarã ña gua”, yama ña. Abraham ñayoru janerābatia janamiti ña yu cuni. ²³ “Cristore moa isirã ñari gãjerã rëtoro ñasarã ña gua”, yama ña. Ña rëto busaro Cristore moa isigũ ña yu. Yumasi gaye busigu queno tuo masibicure bajiro busia yu. Ito bajibojarocati yu gaye yu gotija quena. Ña rëto busaro moasotia yu. Coji meje yure tubiacã masa, Dios oca yu riasoja ticōri. Coji meje yure bajecã. Coji meje

yure s̄iaboc̄ã ĩna. ²⁴ Co rum̄u treinta y nueve jiri yure bajec̄ã ĩna. M̄ucana yure ñiac̄õri juaria rum̄uri ito bajiro bajec̄ã ĩna. ²⁵ Ūdiaji yucu j̄ãina yure jac̄ã ĩna. Yure s̄iarona coji ḡũtana reac̄ã ĩna. Yu wabojacati cuma, cuma buc̄ua ūdiaji rujacu. Coji rujagu ũm̄uasaro, ñamiasaro baticu yu riaca jajosaju. ²⁶ Dios oca riasogu s̄õju wa ucucu yu. Ito bajiro wa ucugu guijorise ticu yu. Riaca guijoro wa ucucu yu. Riniri masa ĩna guijoro, yu ñarã ñabobarãti guijoro, ito yic̄õri ḡãjerã masa guijoro wa ucucu yu. Cuto jaga cuto guijori cuto, cuto meje cuni guijoro riaca jajosa cuni, ito yic̄õri “Cristore tuorũnurã ña ḡua”, yibobarãti guijorã wato wa ucucu yu. ²⁷ Josari moac̄õri tuoĩa bujatobiticu yu. Coji meje canibicuti busuasoticu yu. Coji meje bare, ide cuni manicu yure. Ito yic̄õri coji meje ñioc̄õcu yu. Coji meje ũsarise tuoĩa bujatobiticu yu, yutabujuri yure iti manijare.

²⁸ Iti riti meje tuoĩa bujatobiticu yu. “¿No bajiro ñarãjida gaje cuto gãna Jesure tuorũnurã?” yi tuoĩac̄õri ruje tuoĩasotia yu. ²⁹ Jesucristore tuorũnurã ñabobarãti ñeñaro yic̄õri bojori bujarãre yu ti bujaja, ĩna rãca bojori buja yu cuni. Jesure tuorũnugũre ḡãjerã ĩ ñeñaro yiroca ĩna yija, bojori buja yu. Ito bajiro ĩna ĩre yija, ĩna rãca junisinia yu. ³⁰ Yu gaye masijaro yirocu, muare busia yu. “Buto s̄eogũ meje ñami Pablo”, mua yi tuoĩatoni yu gaye muare busia yu. ³¹ Adi yu muare gotirise, “Riojo gotiami Pablo”, yi masiami mani Ūju Jesucristo Jacu Dios yure. ĩti ñami mani r̄uc̄ub̄uotĩñarocu. ³² Damasco wame cutiri cuto yu ñaroca, “Pablõre ñiac̄õri tubiajaro”, yirocu iti cuto tunima ñari sojeriju surara cũquĩ, iti cuto ūju. Iti sita ūju Aretas wame cutigu roca gagu ñaquĩ ĩ iti cuto ūju. ³³ Yure tubia ãm̄obojaguti yure ñia masibitiquĩ ĩ. Ito cuto tunima ñari cuniju ñari sojena jibuju s̄ac̄õri yure rujioc̄ã ĩna. Ito bajiro yure ĩna ejabuajare rudicu yu.

12

Dios ñaroju Pablo ï cáire gaye

¹ Yumasi gaye yu busijama, “Quenabea iti. Rocati busiboja yu”, yi tuoïa yu. Ito bajibojarocati mani Uju yure ï ïogore basicuja yu. Ito yicōri yu cáiroju ï gotire cuni m̄are goticuja yu. ² Iti rumaju Jesucristore tuorũnusocu yu. Ũmacũju susari tutiju Dios ñaroju yure ï ãmi ejaja bero catorce rodori taja adocãta ïja. Yure ito ï ãmi ejaja, “Ito bajiro ãmi ejaru”, yibea yu. Yu ya rujuti, yu ya usigoti ãmi ejaru gajea. Dios sigũti masiami itire. ³ Riti, “Quenari cutoju Dios ï ñaro yure ãmi ejañi”, ya yu mucana. Ito bajibojarocati, “Ito bajiro ejacu yu”, yi masibea yu. Yu ya usigoti, yu ya ruju cuni ãmi mujari seyoñi Dios gajea. ï sigũti masiami itire. ⁴ Ito ejacōri masare Dios ï gotibitire tuocu yu. Ito yu tuogore goti rotibeami Dios yure. ⁵ Iti gaye yure Dios ï gotija, “Ñasagu ña yu”, yiboguja yu. Ito bajibojarocati itire yibicuja. Yumasi gaye yu busija, “Buto seogũ meje ña yu. Yu cuni tuoïa bujatobea yu”, yicuja yu. ⁶ “Queno yigu ña yu”, yu yi ãmoja, yi masia yu itire. Riojo yu gotigu ñajare, “Buguti yami Pablo”, yi masimenaji gãjerã. Ito bajibojarocati, “Queno yigu ña yu”, yi ãmobeaa yu. Yu yigore tibojarãti, ito yicōri yu busigore tuobojarã cuni, “Queno yigu ñami Pablo”, m̄aa yi masibeja, “Queno yigu ñami Pablo”, m̄aa yire ãmobitiboruja yu. ⁷ Yu cáiroju Dios yure ï ïocati quenarise ñacu. Ito bajiro ïobojaguti, “Gãjerã rëtoro ñasagu ña yu”, yu yire ãmobeami Dios. Ito bajiri yu ya ruju, yu ñarise cutiroca yiñi Dios. Jota iti juniro bajiro baja ito yure. Yure ito ñaja ticōri, “Gãjerã rëtoro ñasagu meje ña m̄”, yami Satanás yure. ⁸ Yu ñarise cutirise yisijaro yirocu, udiayi Diore senibojacu yu. ⁹ Ito bajiro ïre yu senibojarocati ado bajiro yure cudiqui ï: “ ‘Yure ti maiami Dios’, m̄ yi masija, ñe ruyabea mure. Rojo busagu m̄ ñaja ticōri, ‘Dios ï masirisena, riasoguïji

Pablo', yi tuoĩarã yirãji masa", yiquĩ mani Uju yure. Ito bajiri ñarise cuticõri wanua yu. Ito bajigu yu ñaja ticõri, "Cristo masirisena riasoñi Pablo", yure yi tuoĩarã yirãji masa. ¹⁰ Ito bajiri yu ñarise cutija, wanua yu. Coji meje yure busitucã masa. Coji meje yu ãmorise ruyasoticu yure. Coji meje usirioro yi codecã masa yure. Cristo oca yu riasojare coji meje yu tuoĩa bujatobitiroca yicã masa yure. Ito bajibojarocati wanua yu. Yu tuoĩa bujatobitija, Cristore riti tuoĩa yu. Ito bajiri, "I masirisena ña yu", yi tuoĩa yu.

Corinto cuto gãnare Pablo i tuoĩa oca jaire gaye

¹¹ Yumasi gaye gotigu, queno tuo masibicure bajiro busia yu. "Queno yigu ñami Pablo", mua yibejare, yumasiti ito bajiro ya yu. Ito bajibojarocati, "Queno yigu ñami Pablo", yirujaboja muare. Mua tu gãna, "Dios i cũana ñasarã ña gua", yirã rëtoro ñasagu ña yu. No yigu meje ñabojaguti ña rëtoro ñasagu ña yu. ¹² Dios i cũru ñami Pablo, yijaro ña yirocu, tiyamani jaje yi iocũ yu muare mua tu ñagũ. Mua yure ñeñaro yibojarocati usiriobicuti Dios oca muare goti rëto bucu yu. Jaje tiyamani muare iocũ yu. "Riti Dios i cũru ñami Pablo", yi tuoĩaruja mua yure. ¹³ "Gãjerã Jesucristore tuorũnurãreama buto rũcũbuoami Pablo. Manireama rũcũbuobeami", ¿yi tuoĩati mua? Corocõti muare rũcũbuoa yu. Gãjerã Jesucristore tuorũnurãre, "Yure ejabuaya mua, yu ña masitoni", ñare yu yiado bajiro yibiticu yu muare. Ito bajiro muare yibiticõri, "Yu ñeñaro yirisere ãcabojoya", ¿yigu yigujada yu muare? Yibicuja. Ñeñaro yibiticu yu muare.

¹⁴ Juaji mua tu ejasucũ yu. Ito bajiri udiaji mua tu ejagu warocũ jane quenosuo yu mucana. Mua tu yu ñaja, muare josabicu yiguja yu. Mua yure ti maire ãmoa yu. Mua ya niyeru ãmogũ meje mua tu ejagu yiguja yu. Ado

bajirojua baja: Īna rĩare ejabuarona niyerure āmoama ĩna jacusabatia. Rĩa meje ĩnama ĩna jacusabatiare ejabuarona niyeru āmarā. Yũ rĩare bajiro baja mua. Ito bajiri muare josabicu yigũja yũ. ¹⁵ Muare ti maicōri muare ejabua āmoa yũ. Cristore tuorũnũjaro ĩna, yirocu yũ ruacorise ĩarocōti wanũre rāca jidicācũja yũ. Cristore tuorũnũjaro Corinto cuto gāna, yirocu bucua wabojaguti muare ejabuasoticũja yũ. Muare yũ buto ti maibojarocati yũ tuoĩaja yũre queno ti maibea mua.

¹⁶ “Mani rāca ñagũ manire josabitiqũ Pablu”, yi tuoĩarāji mua yũre. Ito bajibojarocati, “Queno tuoĩagũ ñari manire ruoĩni Pablu”, yirāji mua coriarā. ¹⁷ “Manire ĩ oca cōana rāca manire ruoĩni Pablu”, ¿yi tuoĩati mua? Ruobiticu yũ muare. ¹⁸ “Īnare titēña”, yirocu iti rũmu Titore cōacu yũ mua tũ. Gāji ĩ rāca Cristore tuorũnũgũ cōacu yũ. “Manire ruoĩni Tito”, ¿yi tuoĩati mua? Ruobitiru ĩ. “Queno yiqũ Tito”, yi tuoĩarāji mua. Yũre bajiro Espĩritu Santo quedi sāja ecogu ñari, muare ejabua āmogũ Dios oca queno riasoĩi ĩ. Muare niyeru josabisĩ ĩ.

¹⁹ “Īre wanũjaro ĩna, yirocu iti manire gotiami Pablu”, ¿yi tuoĩati mua? Ito bajiro meje baja. Ado bajirojua baja: Muare yũ busija, Cristo ĩ āmoro bajiro muare busia yũ, Dios ĩ tiro riojo. Tuoya yũ mairā yũ ñarā mua. Jeyaro yũ muare gotirise, “Cristore tuorũnu wajaro ĩna”, yirocu muare ya yũ. ²⁰ “Mua tũ ejacōri, Cristore cudibiticōri ñeñarise riti mua yi ñaroca ti ejagu yigũja yũ gajea”, yi tuoĩa yũ muare. “Mua tũ ejacōri mua oca josa ñaroca ti ejagu yigũja yũ gajea. Gājerā ya gajeoni mua uoroca, mua junisini ñaroca ito yicōri gāmeri queno mua baba cuti ñabitiroca, oca menirā cuni, busiturā, gāmeri tārā, ito bajiro yibojarāti, ‘Gājerā rētoro tuoĩarā ña gua’, mua yi ñaroca ti ejagu yigũja yũ gajea”, yi tuoĩa yũ muare. Ito bajiro mua yi ñaroca yũ ti ejaja, mua āmoro bajiro muare

wanu ejabicuja yu. Ito bajiro mua ñeñaro yirise ticõri muare junisini tigu yiguja yu. Ito bajiri yu junisinija ticõri, wanumenaji mua. ²¹ “Mua tu ejagu mua ñeñaro yire ticõri yu bojo bujaroca yigu yiguji Dios”, yi tuoia guia yu. Iti rumu mua ñeñaro yiado bajiroti mua yija ticõri, mua tiro riojo otigu yiguja yu. Itire amobea yu. Mua tu ejacõri, “Ina ñeñaro yirisere jidicã amobeama ina. Rocati romiare ina ajerise jidicã amobeama ina. Inamasiti ina ya ruju ñeñaro iti tuoiaro bajiroti ñeñaro yi uyaraji maji”, yi yu ti ejaja, otigu yiguja yu. Itire amobea yu.

13

Pablo i goti quenosusare gaye

¹ Adi yu warisena udiagi muare tigu yiguja yu. Yu ejaroti bocati yucãna mua. Ado bajiro gotia Dios oca tuti: Gãjire sigũ i seti yi amoja, ire busi ejabuarã, “Riti yami. Ticu gua cuni. Ito bajiroti bajicu”, yirã juarã, udiarã ñaja cuni quena, yi gotia Dios oca tuti. ² Iti rumu mua tu ñagũ ñeñaro yirãre goti quenocu yu, ina ñeñaro yirise jidicãjaro yirocu. Mua tu ñabitibojaguti gãjerã ñeñaro yirãre cuni goti quenoa yu, jidicãjaro yirocu. Ñeñaro yirã ina ñaja ti ejacõri, buto ina tuoia bujatobitiroca yigu yiguja yu. ³ Inare ito bajiro yu yija ticõri, “Cristo i amoro bajiro gotiami Pablo”, yi tuoiaraji mua. Ina ñeñaro yirise jidicãjaro yirocu, oca seoro yigu yiguji Cristo. Ito yicõri i masirise muare iogũ yiguji. ⁴ Manire bajiro ruju cuticõri yucutõju ina jajuja godaãni Cristo. Ito bajiro ina yibojarocati adocãta Dios i masirisena ñami i ija. Cristore yu tuorũnja ticõri, “Rojogu ñami Pablo”, yama masa yure. Ito bajiro ina yibojarocati Cristore tuorũnugũ yu ñajare, yu oca seoroca yigu yiguji Dios. Ito bajiri mua tu ejacõri, ina ñeñaro yirisere jidicãjaro yirocu, oca seoro muare goti quenocuja yu.

⁵ “¿Riti Cristore tuorünugũ ñati yu?” yi tuoĩaña mua. “¿Riti Cristo yu ya usiju quedi sãja ecoru ñati yu?” yi tuoĩaña mua. “Cristo yu ya usiju quedi sãja ecoru ña yu”, mua yi tuoĩabeja, Cristore tuorünurã meje ña mua. ⁶ “‘Riti Cristore tuorünugũ ñami Pablo’, yure yirãji mua”, ya yu. ⁷ Mua ñeñaro yibititoni mure yiari Diore seni ïsisotia yu. “Ïnare queno Dios oca riasoñi Pablo”, yure ña masa yi wanujaro yirocu meje Diore senia yu. Quenarise riti mua yire ãmoa yu. Ito bajiri mua queno yitoni Diore seni ïsia yu. “Ïnare queno riasobisĩ Pablo”, masa ña yibojaja cuni, no yibea yure. ⁸ Oca ñasarise tuorünujaro ña yirocu, Dios oca riasoa yu. Oca ñasarise ña tuorünũ jidicãroca yi ãmobeja yu. ⁹ Ito bajiri mua tu ejacõri, “Queno Cristore tuorünurã ñama ña”, yi yu ti masija, sãoro muare busibicuja yu. Ito bajiro iti bajija, ticõri buto wanugũ yiguja yu. Cristore tuorünucõri ï ãmoro bajiro riti yijaro ña, yirocu muare Diore seni ïsia yu. ¹⁰ Mua tu ejacõri sãoro muare busi ãmobeja yu. Ito bajiri yu waroto riojua adi papera muare cõa yu. Mua oca sãoroca yu yitoni yure cũni mani Hju. Oca sãobitijaro ña, yirocu meje yure cũni ï. Ito bajiri mua tu ejacõri mua oca sãoroca yi ãmoa yu.

¹¹ Itocõ uca yu ñarã yu muare. Queno ñaña mua. Cristo ï ãmoro bajiro riti yiya mua. Yu muare gotirise tuorünũña. Sigũre bajiro tuoĩacõri ñaña mua. Oca ñaja itire quenoña. Ito bajiro mua yija, muare ti maicõri mua rãca ñatĩnagũ yiguĩji Dios. Ito yicõri mua ya usiju queno mua wanũ quenaroca yigu yiguĩji ï. ¹² Cristore tuorünurã ñari queno wanure rãca gãmeri seniña ñasotiya mua. ¹³ Ado gãna Cristore tuorünurã, “Quenajaro”, yi ñucama muare.

¹⁴ “Ïnare queno yiya Cristo mu”, yirocu muare yiari mani Hju Jesucristore senia yu. “Ïnare maiña Dios mu, ito yicõri ña rãca ñaña Espiritu Santo mu”, yi seni ïsisotia yu ñarã yu, mua jeyarore yiari. Itocõ ña.

Dios Oca Tuti New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06
